


春秋考徵

十一

侯菴經集





與猶堂集卷之百四十八

洌水 丁鏞述

春秋考徵

十

葬小君四

夏五月葬我小君哀姜

僖二年。前年七月夫人氏之喪至自齊。

左氏曰閔公哀姜之娣叔姜之子也故齊人立之共仲

通于哀姜哀姜欲立之閔公之死也哀姜與知之故孫

于邾齊人取而殺之于夷以其尸歸僖公請而葬之

杜云

哀姜之罪已重而僖公請其喪還者外欲固齊以居厚內存母子不絕之義為國家之大計。

閔二年。

鏞案哀姜者莊公之妻也為莊也妻者是為僖也母僖

公之請而葬之也。宜哉。雖與弑之罪同於文姜弑父弑子。然有間焉。至於帷薄之行。君子不言。茲所以葬之以禮也。然哀姜實未嘗配食於莊公。故成風得升為夫人也。義見下

公羊曰：夫人何以不稱姜氏？上文云桓公名而緼殺之○何曰：桓

公疾，夫人淫泆，二叔慶父與叔牙殺二嗣子而殺之，書葬者

辟責內讎齊○鏞案：夫人氏者，文缺也。左傳疏已明辨也

穀梁曰：其不言姜，以其殺二子貶之也。或曰：為齊桓諱殺同姓也。

三月葬我小君成風王使毛伯來會葬

文五年。前年十一月夫人風氏薨

左傳註杜曰僖公母風姓也赴同祔始故稱夫人反哭

成密故曰葬我小君

疏云釋例曰凡妾子為君其母猶為夫人雖先君不命其母以子

貴其適夫人薨則尊得加於臣子內外之禮皆如夫人笑故妣氏之喪責以小君之喪不成成風之喪王使會葬傳曰

禮也

○鏞案葵丘之盟曰無以妾為妻

見孟

陽穀之

會亦有此戒

僖三年公羊傳

盟既戒之則當時諸侯之以妾為

妻者多矣然魯哀公嬖公子荊之母欲升之為夫人使

宗人釁夏

禮官也

獻其禮對曰無之周公及武公娶於薛

孝惠娶於商

商宋也

自桓以下娶於齊此禮則有若以妾

為夫人則固無其禮也公卒立之而以荊為大子

哀廿四

則魯之始以妾為妻者哀公是也。檀弓云悼公之母死曰為妾齊衰禮與公吾得已乎哉魯人以妻我。若據檀弓哀公再以妾為妻父在之時不以妾為妻而父死之後追尊其母使為父妻亂倫悖常有
大於是乎僖八年曰秋七月禘于大廟用致夫人則魯之始以妾母為夫人者僖公是也。生而升之為夫人故死而赴同祔姑左氏每云赴同祔姑故得稱夫人此乖反之義也。又凡葬之為禮觀於未葬棺槨車馬之數旌
嬰嬰筭之品皆有等級葬之文物於是乎觀考之策書其驗歷然左氏每以反哭與否為書葬之法例皆謬義也。凡左傳發例多係後人追補者

公羊曰成風者何僖公之母也

疏云欲言其妾經書小君欲言夫人不同夫諡

故執不

鑛案僖公尊成風為夫人者以哀姜有罪不

能配食於莊公也

義見下

敬嬴亦然其後寢以為法○又

按魯之夫人皆不從夫之諡不可以此分嫡妾也

胡氏曰仲子雖聘非惠公之嫡也春秋之初尚以為疑

故別為立宮而羽數特異此雖非禮之正然不祔於始

猶有辨焉至是成風書葬乃有二夫人祔廟而亂倫易

紀無復辨矣故禮之失自成風始也○鑛案胡說明矣

但哀姜黜故成風陟二夫人祔廟無是理也

秋七月禘于大廟用欽夫人

僖八年

穀梁曰致者不宐致者也言夫人不以氏姓非夫人也

立妾之辭也非正也○范云劉向曰夫人成風也致之

于大廟立之為夫人成風者僖公之母雖尊其母是卑其父妾以

體君則上故曰非正也禮有君之母非夫人者又庶子

為後為其母總○鏞案此經之義當以劉向為正何者哀

姜追入之說既違事理左氏齊媵脅嫡之解亦甚乖戾

公羊不可從也其必因禘而致之何也宗廟之祭主婦

亞獻主婦薦簋鉶主婦薦籩豆一行此禮於是乎夫人

也非嫡夫人不能行此禮其必太廟者成之於周公之廟則羣公

之廟順流之勢也此其為失禮者二義有二春秋之義母

以子貴然尊其名號致其孝養可也父之所妾子乃妻
之尊之為祖所不見成風未嘗行三孫乃婦之尊之為
既死其父死其又誣其祖公誣周其非禮一也凡禮舅沒
則姑老文內則故姑老之婦得稱冢婦文內則而特牲禮之
注唯主人之妻得稱主婦鄭玄此上下之達禮也僖公
主其祭而成風為之婦天下無此禮也子視其牲厥母
視饔子之既獻母乃亞之安在其夫婦共祭也其非禮
二也此孔子所以書之也

左氏曰秋禘而致哀姜焉非禮也凡夫人不薨於寢小

也 不殯於廟不以殯不赴於同告赴於不祔於姑祖姑

則不致也據經哀姜薨殯廟赴同祔姑○杜曰致者致

新死之主於廟而列之昭穆夫人淫而與殺不薨於寢

於禮不應致故僖公疑其禮歷三禘今果行之○鑄案

哀姜之死于今年歲誠若當時殯廟祔姑則尚不入

廟無是理也哀姜既死十一月而葬見二殯廟祔姑經

無明文杜說不知所據且哀姜之死也書之曰夫人姜

氏薨其葬也書之曰葬我小君哀姜年見二今於八廟之

時不謚不姓但稱夫人抑何故也將云譏貶不亦晚乎

左氏之不可信徃徃如此

公羊曰致者不空致也禘用致夫人非禮也夫人何以

不稱姜氏譏以妾為妻也以妾為妻蓋脅于齊媵女之

先至者也

何云僖公本聘楚女為嫡齊女為媵齊先

○

鏞案此非理之說也

葬小君六

夏四月葬我小君聲姜

文十七年○前年八月夫人姜氏薨

左氏曰有齊難是以緩

杜云僖公夫人文公母

葬小君七

夏六月夫人嬴氏薨冬十月葬我小君敬嬴

宣八年

左氏曰冬葬敬嬴早無麻始用葛菲

文末年云文公二妃敬嬴生宣公

杜曰反哭成喪故稱葬小君○鏞案文公嫡妻出姜

生子惡

或作赤

其姊生子

視文公

既薨

襄仲

殺惡

及視出

姜大歸于齊

於是宣公立尊其母

敬嬴以配食於文公

茲所以葬之以夫人也

公羊曰頃熊者宣公之母也

熊氏楚女宣公

即僖公妾子

穀梁註

范曰文夫人姜氏大歸于齊故宣公立已妾母

為夫人以夫人禮卒葬之義與成風同

疏云哀姜有罪

故僖以其母為

夫人今姜氏子殺故身出本自無罪則頃熊成

喪不是同例而云與成風同者二俱無正禮也

鏞案

僖公尊成風為夫人

莊公妾

宣公尊敬嬴為夫人

文公妾

故

春秋釋例乃云春秋之禮母以子貴子為國君則母為

夫人此亂禮之言也

哀姜不出

淫通二公子

以罪而出

成風不得

夫人此亂禮之言也

哀姜不出

淫通二公子

以罪而出

成風不得

為夫人也。出姜不歸。

二子被殺故無罪而出

敬嬴不得為夫人也。

若是者何也？宗廟之祭必有妃配。以少牢禮所云母論有

罪無罪既出之母不可以配食。此所以尊其所生以為

夫人。此變禮之不得已者也。嫡夫人無故配食而又尊

其母則是二嫡也。禮諸侯不再娶。文公羊再娶猶不可而

況於二嫡乎？周公雖衰魯禮不然。故惠公元妃孟子無

故配食。則仲子之子雖為國君。公即桓未嘗敢尊之為夫

人。未嘗敢祭之於宗廟。列立一宮。考仲子降用六羽宗魯

廟八其義昭昭然也。成風敬嬴之後君母之尊為夫人

遂成彝典。齊姜無故配食。成公妻而定姒尊為夫人。襄四年

此○非○魯○國○之○故○常○也○凡○論○此○禮○者○當○以○仲○子○之○別○立○宮○
為○正○或○曰○哀○姜○雖○得○罪○於○宗○廟○及○其○葬○也○書○之○曰○葬○
我○小○君○哀○姜○年僖元既○以○小○君○禮○葬○之○庸○不○得○以○小○君○禮○
配○食○乎○曰○葬○与○配○不○同○也○雖○以○夫○人○禮○葬○之○未○必○皆○配○
食○故○大○夫○士○雖○再○娶○其○祔○者○唯○一○况○於○國○君○子○古○者○一○
廟○一○主○亦○無○妃○主○雖○左○主○右○主○之○說○出○於○緯○書○不○可○從○
也○

葬小君八

夏五月夫人姜氏薨七月葬小君齊姜

襄二年

左氏曰齊姜薨

齊諡也執心克莊曰齊

初穆姜使擇美櫨以自為

櫬親身與頌琴季文子取以葬葬齊君子曰非禮也禮

無所逆婦養姑者也虧姑以成婦逆莫大焉穆姜成公母齊姜成

公妻且姜氏君之妣也

公羊曰齊姜者何齊姜與繆姜則未知其為宣夫人与

成夫人與○何休云傳家依違疏云左氏以齊姜為成公夫人而何氏不然者

齊姜先薨穆姜後卒也○鏞案婦先姑卒豈有既哉註疏非矣

葬小君九

秋七月夫人妣氏薨八月葬我小君定妣襄四年○公羊

左氏曰秋定妣薨成公妾襄公母妣杞姓不殯于廟無櫬不虞季

以定妣本賤議其密制匠慶魯大謂季文子曰子為正欲殯不過廟又不反哭

卿而小君之喪不成

謂如季孫所議則為夫人禮不成

不終君也君長

誰受其咎

七公時年

○杜曰定諡也赴同祔姑反哭成喪

皆以正夫人禮母以子貴○鑄案杜氏每謂反哭成喪

然後書葬曰葬我小君故定妣之不殯于廟無櫬不虞

謂之季孫之初議然今觀傳文明是實事不是空議慶

雖用櫬用之為棺也無用櫬文文以此言之凡所謂葬我小君者皆臣

子尊稱之辭非必以小君禮葬之然後方云小君也○

又按左氏以齊姜為成公之夫人

襄公之嫡母

經有據也然

叔孫僑如之如齊逆姜在成公十四年之秋成公即位

之時不知幾齡然即位二年會盟于蜀三年會諸侯而

伐鄭則要之即位。在十齡之後也。至于十四年之久而
闕然無妃。理所不通。公羊氏之依違不決。良有以也。禮
無二嫡。齊姜定姒之並尊為母。亦無是理。
公羊曰：定弋者，襄公之母也。莒女也。襄公者，成公之妾子。

葬小君十

夏五月夫人姜氏薨。八月葬我小君穆姜。襄九年

左氏曰：穆姜薨於東宮。

穆姜淫僞如欲廢成公故徙居東宮。事在成十六年。

○鏞

案穆姜淫姦亂德。幽于東宮。恐無配食之理。

穆姜宣公之夫人也。

成公幽其母

今不可詳也。

葬小君十一

五月夫人歸氏薨九月葬我小君齊歸昭十一年

左氏曰葬齊歸公不感晉士之送葬者歸以語史趙史

趙曰必為魯郊言昭公必歸姓也不思親祖不歸也末襄

年傳云立胡女敬歸之子子野即昭公鏞案襄昭定哀

皆惑於嬖妾又皆尊其生母升為夫人此皆魯禮之末

失自桓以前不如是也

公羊曰齊歸者昭公之母也何云歸氏胡女鏞案宗

人釁夏之言曰自桓以下娶於齊哀廿四則襄昭定哀其

嫡妻皆姜氏也諸侯一娶三姓而三姓之女各有姪娣

不唯嫡妻而後有娣也胡女敬歸者子野三姓之一而

齊歸母昭公其姊也衛之莊姜為嫡妻而又有戴嬀及戴嬀之姊厲嬀正與此同也襄昭定哀之妻皆不見春秋何休乃以敬歸為襄公之嫡妻謬矣敬歸若是嫡妻則不當曰胡女敬歸之子野女

葬小君十二

夏五月公薨秋七月如氏卒九月丁巳葬我君定公雨故葬辛巳葬定如定末年

左氏曰不稱夫人不赴且不祔也

孔云赴於同盟之國其辭當云夫人某氏

葬是赴則成夫人也禮嫡妻祔於適祖姑妾祔於妾祖姑若得祔祖姑則亦成夫人矣二者皆闕故不曰夫人不稱小君不成喪也
杜云公未葬而夫人薨煩於喪禮不赴不祔故不稱小君臣子急慢

也。反哭於寢。故書塋。○鏞案定。妣者定公之妾也。時定公新薨。哀公初立。未及踰年。不能稱公。子猶稱。故其生母亦不能尊。為夫人。不以小君禮葬之。故書之如此。杜氏乃以定。妣認為嫡妻。○以爲定。豈不謬哉。古禮唯嫡夫人得從夫諡。如鄭武姜。故杜義如此。然魯禮則不然。如文姜。聲姜。穆姜。莊姜。皆不從夫諡。杜義非也。

公羊曰。妣氏者。○杞女。哀公之母也。○哀公。即定公之妾子。何以不稱。

夫人。○隱元年。母以子貴。注云。禮妾子立。哀未君也。○未踰年。則母得為夫人。夫人成風是也。

稱何以書葬。未踰年之君也。○為未踰年之君。母有子則公何以書葬。未踰年之君也。○如未踰年之君。

廟廟則書葬。○何休云。踰年稱夫人。曾子問曰。並有喪。

則如之何孔子曰葬先輕而後重其虞也先重而後輕

疏云定公五月薨定姒七月卒非其並有喪禮是以先葬定公後葬定姒若其同月定姒當先葬矣○鑄

案公羊未踰年之義明矣○又按葬先輕而後重者合

葬之謂也定姒妾也不可合葬故後公而葬孔疏之說

非也

穀梁曰弋氏卒妾辭也哀公之母也

葬小君十三

夏五月孟子卒

哀十二年

左氏曰昭公娶于吳故不書姓

諱娶同姓故謂死不起

故不稱夫人不反哭故不言葬小君

以同姓故孔子與

弔適李氏

孔子始老

季氏不絕放經而拜

季孫不

鑄

案孟子

亦非昭公之嫡妻故

豐夏之言以為自桓以下

娶於齊也

娶於齊也

哀廿四論語曰

魯昭公娶於吳古者凡取女謂

之娶不必娶妻曰娶也

惟坊記以孟子為夫人

公羊曰昭公之夫人也其稱孟子何諱娶同姓蓋吳女

也○鑄案晉獻公取狐姬驪姬不獨魯昭公然也

穀梁曰昭公夫人也其不言夫人何也諱取同姓也

坊記曰子云取妻不取同姓以厚別也故買妾不知其

姓則卜之以此坊民魯春秋猶去夫人之姓曰吳其死

曰孟子卒

葬天王一

三月庚戌天王崩隱三年○平王崩

三○公羊曰何以不書葬天子記崩不記葬必其時也諸侯

記卒記葬有天子存不得必其時也設有王后崩當越拂而奔喪

鏞案春秋記天子之葬者五而崩則必書故公羊之說

如此然所記五葬皆非七月而葬安在其必其時也若

云葬失其時者書之不違其月者不書則諸侯之例亦

空然何諸侯之葬不問時月記之唯詳也若云厭於天

子不必其時則諸侯之葬又當一一無漏胡乃魯之隱

閔遂不書葬其餘諸國凡記卒而不記葬者不可勝數

也。余謂春秋書葬之法，其葬之以禮者，書之；其不備文者，勿書。掘窆下棺，君子不以為葬也。天子之葬，動四海，荀子其儀文至，縛車馬，明器有闕，猶無葬也。同軌不畢，至猶無葬也。隱元年左氏云：天子其艱於中，禮倍於諸侯。斯其所以諸侯之葬，書者居多，而天王之葬，書者惟五也。公羊之說，其當於理乎？

葬天王二

三月天王崩

桓十五年

五月葬桓王

莊三年

公羊曰：改葬也。

桓王之崩，今七年。

何曰：時無非常之變。

疏云：有非

常之變者，將公失榮，奢改葬，故惡錄之。
春秋說云：恆星尸柩之時，改葬也。
春秋說云：恆星

改葬桓王死尸復擾終不覺之也○鏞案榮奢改葬古無此例△失尸

柩亦無是理惟王充論衡有滑山灤水之說不足徵信

註疏之說何其疎矣古者死不考終者葬不備文虞不

舉諡如是然後改葬義見桓王之死有誰知之李姜為

后外無援也家父求車內至虛也時無霸王諸侯弗率

雖無弑逆其葬之備文未易也是以七年之後乃改葬

豈榮奢而為之乎

穀梁曰改葬也改葬之禮總皆服舉下舉五服之緬也

喪已貌或曰卻尸以求諸侯停尸七年以求天子志崩

不志葬不書必其時也必以禮舉天下而葬一人其義

不疑也。無所鏞案卻尸之說千古之厚誣也。莊元年。
年單伯送王姬。先王未葬。不可以嫁女也。榮叔來錫命。先
王未葬。不可以施命也。言不可以若是其易。

葬天王三

秋八月天王崩

文八年

二月叔孫得臣如京師辛丑葬襄王

文九年

左氏曰穆伯如周

公孫

弔喪不至以幣奔莒

文八年

杜

曰卿共葬事禮也

釋例

云萬國之數至衆封疆之守至

修服於其國卿共弔送

○疏曰天子之喪卿弔卿會葬

諸侯不親行也

昭三十年傳鄭游吉云靈王之喪我先君簡公在楚似不在楚即當親行而言

禮不親者彼言由君在楚上卿守國故使少卿印段往耳言君當親行也○鏞案襄王之葬卿弔卿送魯既無闕明他國亦然其葬之備文可知斯其所以書之也

公羊曰三者不書葬此何以書不及時書

葬匡王景王之屬

過

時書

葬桓王

我有往者則書

○鏞案襄王七月而葬其所

過

云過書不及書者不攻自破於是別生義理曰我有往則書若然他王之葬我皆不往乎其義之迂曲而不中理類皆如此

穀梁曰天子志崩不志葬舉天下而葬一人其道不疑

也志葬危不得葬也

范云不得備禮葬

日之甚矣其不葬之辭

也范云王室微弱諸侯無復往會葬○疏曰魯卿往會始書若不會則

不當書也故春秋之世有十二王志崩者有九平王桓王惠王

襄王匡王定王簡王書葬者惟五桓王襄王匡王良由王

室不赴諸侯不會故也其三者莊王僖王頃王也不志崩為不

赴故也天子不合書葬魯史書之者欲見周室衰不

葬者據治平之日正法言之○鑄案穀梁之意蓋云此

時周天子之葬得備禮者絕少故其或幸而備禮者春

秋亦幸而書之此所謂危不得葬也此固然矣其云天

子之不志葬抑何所據胡氏云先儒或言天子不志葬

乎不志苟以不志葬為正禮則將云七王之不書葬乃中

葬典乎楊疏謂魯往則書之魯不往則不書然五王之

葬惟此經及景王之葬魯卿書如昭二十二年叔鞅餘

皆無文又何以書葬也余謂魯既往他國亦往諸侯之

人既會其葬為備文葬備文者書之其不備文者不書

凡天王書葬者魯卿必往而魯卿之往或書或否又按日之甚矣者又何謂

也天子崩無不書曰將云危不得崩乎史文多闕故或

日或否何必曲解如是

穀梁傳定元年云周人有喪魯人有喪並有周人弔使

人弔魯人不弔不奔喪於周周人曰固吾臣也使人可也乃魯

周之魯人曰吾君也之君乃魯親之者也親奔使大夫

則不可也故周人弔魯人不弔以其下成康為未久也

言周道君至尊也去父之殯而往弔猶不敢況未殯而

尚明臨諸臣乎○疏曰魯人既殯君乃奔喪服天子之斬先

其父後奔天子之喪○鑄案國君親奔禮無明文穀梁

亦是不奪人之親之義乃謂周與魯並有喪則不奔不然國君親奔不知

何據

公羊傳隱三年云尹氏天子之大夫也外大夫不卒不

卒此何以卒天王崩諸侯之主也時天王崩魯隱往奔喪尹氏主殯贊

穀梁曰外大夫不卒此何以卒之也於天子之崩為魯

主故隱而卒之周禮大行人職曰若有○鑄案天子無

客禮

牲郊特

故諸侯亦不敢為客於天子

非敵

諸侯弔於

天子則大夫為之主

為主為弔賓

此經其證也

至於大行人

禮

古者諸侯弔於鄰國之大夫則本國之君為之主若

曾子問所記季桓子之喪是也以此推之諸侯之弔天

子大夫必為主矣然以此之故書卒書塋必無是理所

謂尹氏不知何人

左氏以為隱公母

不可以此為弔主之明驗

也○網會案諸侯奔天子之喪如大夫奔國君之喪如

支子在外者奔嚴父之喪恐無弔禮諸侯與嗣天子同

服斬衰安有弔也諸侯之弔天子三禮無文

穀梁傳定四年云劉卷卒

劉文

襄內諸侯也非列土諸

侯此何以卒之也天王崩為諸侯主也

范云昭二十二

之禮相接能為諸侯主所以為賢

○鑄案劉文公之書卒書葬左傳注

以為同盟之故用諸侯之例其義為長

胡氏傳隱三年云諸侯為天王服斬衰禮當奔喪今平

王崩周人來訃而隱公不往是無君也或曰萬國至衆

也封疆至重也天王之喪不得越境而奔而脩服於國

卿供弔送之禮訖葬卒哭而除喪禮乎按周書康王之

誥太保率西方諸侯入應門左畢公率東方諸侯入應

門右再拜趨出王反喪服此奔成王之喪者安得以為

脩服於國而可乎○鑄案顧命所言侯甸男衛千古疑

案成王之崩僅及九日男衛諸侯安得來會詳見余然且顧命所言乃是奔喪不是會葬若奔喪之人遂皆會葬則七月之間萬國空虛夷狄乘釁亂逆趨機將何變之。不生乎先王制禮必不如此侯甸男衛於其朝會之年適當王崩之變則因以奔喪遂以會葬不當朝會之期則無空萬國而悉奔之理也。○綱會案萬國悉會七月之間稍餽芻米亦難乎其繼矣

葬天王四

冬十月天王崩

宣二年

春正月葬匡王

宣三年

左傳註

杜曰

四月而葬

速不及時

公羊疏云所謂

鏞案天子

七月諸侯五月遂為葬典考之春秋葬以禮月者鮮過亦書中亦書不及亦書其月期非所問也所問者文物而已

九月天王崩

襄元年

春正月葬簡王

襄二年

左傳註

杜曰五月而葬速

夏四月天王崩

六月叔鞅如京師

葬景王

昭二十二年

左傳注

杜曰三月而葬亂故速

葬諸侯一

夏四月齊侯元卒公如齊五月公至自齊六月葬齊惠公

宣十年

左氏曰公如齊奔喪○杜曰公親奔喪非禮也○
天子之喪諸侯有親奔之禮顧命其證也而唯萬國諸
侯一時同奔無是理也周德既衰諸侯以強凌弱令用
事天子之禮魯君之於齊楚邾婁之於魯邦奔喪會葬
皆非先古之典也凡卿大夫之往弔者今皆略之

夏晉侯獯卒秋七月公如晉成十年春三月公至自晉成十年

左氏曰秋公如晉晉人止公使送葬冬葬晉景公公會
葬諸侯莫在魯人恥之不書諱之也

十一月公如楚十二月楚子昭卒襄二十八年

左氏曰年二十九春正月公在楚楚人使公親櫬公使巫

以桃茢祓殯

檀弓所記詳

○夏四月葬楚康王公及陳侯鄭

伯許男送葬至于西門之外諸侯之大夫皆至于墓

夏六月公薨冬十月滕子來會葬

襄末年○又定末年九月滕子來會葬

左氏曰冬十月滕成公來會葬情而多涕○杜曰諸侯

會葬非禮

穀梁亦云非禮

公羊註何曰此書者與叔服同義

疏云今此會葬亦是常禮而書之者襄公

不肖諸侯莫肯會之故書滕子之厚以起諸侯之薄

○鏞案天王使叔服會葬於

魯与此何干

何休之義詳見文元年

五月公薨邾婁子來奔喪

定末年

公羊曰奔喪非禮也○何曰禮天子崩諸侯奔喪會葬

諸侯薨有服者奔喪無服者會葬邾婁與魯無服故以非禮書○鏞案無服有服亦意度之言

左傳注杜曰諸侯奔喪非禮○疏曰昭三十年傳曰諸

侯之喪士弔大夫送葬諸侯親自奔喪會葬皆非禮

贈襚一

秋七月天王使宰咺來歸惠公仲子之贈隱元年

左氏曰緩惠公葬在春秋前且子氏未薨故名仲子薨在隱二年天子

七月而葬同軌畢至諸侯五月同盟至大夫三月同位

至士踰月外姻至贈死不及尸弔生不及哀豫凶事非

禮也仲子在豫而來○鏞案為惠也妻者是為隱也母母

贈故曰豫

也。在堂安然無疾。

仲子二年薨

天子遣使賜以葬母之車馬。

天下有此事乎。先王之禮適妻從夫。妾御從子。貴則配。

體賤則榮。生天地之經義也。故惠公之母曰惠公仲子。

不稱孝公仲子者。僖公之母曰僖公成風。年文九。若是者不敢以賤而配貴。

何也。母以子貴。禮也。妾以君貴。非禮也。左氏之書本於

魯國策書有左氏者。增之以釋經之訓。混雜成書。真偽

相半。其真者。三古之遺文也。其偽者。公穀之下流也。惟

善辨者辨之。

公羊曰。仲子者何。桓之母也。

今桓未君。故其母不得稱諡。

何以不稱。

夫人

風。據成。

桓未君也。車馬曰貲。貨財曰賻。衣被曰綖。桓

未君則諸侯曷為來贈之隱為桓立故以桓母之喪告

于諸侯成公意也尊貴桓母以赴告天其言來何据歸

言來不及事也惠公仲子之葬其言惠公仲子者何兼

之非禮也○鏞案公羊以隱二年夫人子氏為隱母故

以此仲子謂之桓母然禮無二嫡諸侯於其境內雖或

私尊其母焉敢赴告天子儼稱夫人乎其非理一也桓

母是嫡則隱母不得稱夫人桓母非嫡則桓母之死又

何足赴告天子乎既非先君之妾又非時君之母則赴

告天子必無是理其非理二也讓位者隱公之內志也

君位未改妾名未變何為而赴天子乎其非理三也此

經之義當從穀梁

穀梁曰母以子氏

范云妾不得體君故以子為氏

仲子者惠公之母孝

公之妾也禮贈人之母可贈人之妾則不可○范曰平

王新有幽王之亂遷于成周欲崇禮諸侯仲子早卒無

由追贈故因惠公之喪而來贈之○鑄案宗人釁夏之

言曰

哀廿四

武公娶於薛孝惠娶於商

商宋也

孝公之妻亦

子氏仲子其媵也母以子氏者以子貴也禮先君之嫡

妻則贈之時君之生母則贈之故先君之生母亦贈之

所以厚推恩也贈人之母則可故稱之曰惠公仲子贈

人之妾則不可故不稱曰孝公仲子

若如左氏公羊之說以仲子為桓母

而稱之曰惠公仲子則亦是亦若云孝公之妾死在春秋
以前不當追贈則成風之死在於文四年而秦人之禮
成風在於文九年追贈固有例也穀梁之義不可破也

贈綏二

十二月夫人風氏薨

文四年

春正月王使榮叔歸含且贈三

月葬我小君成風

文五年

左氏曰春王使榮叔來含且贈召昭公來會葬禮也

成風

莊公之妾

杜曰天子以夫人禮贈之明母以子貴

疏云

賈服云含贈當異人今一人兼兩使故書且以譏之案
禮雜記諸侯相弔之禮含綏贈臨同日而畢與介代有

事焉不言遣異使也諸侯相於則唯遣一使而責
天子於諸侯必當異人禮何所出而非責王也

公羊曰含者何口實也其言歸含且贈何兼之非禮也

○何曰去天者

經不言天王

含者臣子職以至尊行至卑事

失尊之義也

穀梁曰含一事也贈一事也兼歸之非正也贈以早

馬乘

曰贈所以助葬也

而含已晚

言已殯故

○范曰國有遠近皆令及

事理不通也

○鑄案含襚贈臨一使可兼公穀之說非

也義見左傳疏

九月秦人來歸僖公成風之襚

文九年

左氏曰禮也諸侯相弔賀也雖不當事

送死不及尸

苟有禮

焉書也以無忘舊好

有翟泉之盟

○杜曰追贈僖公并及成

風○鏞案文例與惠公仲子之贈同年隱元是榘成風非

榘僖公也

公羊曰其言僖公成風何兼之非禮也○鏞案並有或當兼之兩意相距四五年也一使二榘豈有是理

穀梁曰秦人弗夫人也見正焉見弗以妾○鏞案穀梁之義母以子氏年隱元僖公成風者僖公之母成風也

與猶堂集卷之五十五

洌水 丁鏞 述

春秋考徵 十一

禘郊之訟首篇言之詳矣但周禮無禘字其所稱祭五
帝卽是楚射父所言禘郊之禘而原篇未及明說心常
恨之後得秦蕙田所輯吉禮通考其論禘郊之義益多
謬妄雖皆原篇之所已剖而再加疏滌以附考徵之末
道光六年丙戌之季冬

鄭氏六天之辨

郊特牲孔疏云先儒說郊其義有二按聖證論以天神

無二郊卽圜丘圜丘卽郊鄭氏以為天有六天丘郊各

異王氏難鄭氏以為至極之尊其體祗應是一而鄭以

為六者指其尊極清虛之體其實是一論其五時生育

之功其別有五故周禮司服云王祀昊天上帝則大裘

而冕祀五帝亦如之五帝若非天何為同服大裘又小

宗伯云兆五帝于四郊禮器云享帝于郊而風雨寒暑

時帝若非天焉能令風雨寒暑時

又春秋緯紫微宮為天帝又云北極耀魄

寶又云太微宮有五帝坐星靈威仰赤熛怒白招拒汁光紀含樞紐是五帝与天帝六也又五帝亦稱

上帝故孝經曰嚴父莫大于配天宗祀文王于明堂以

配上帝帝若非天何得云嚴父配天也賈逵馬融王肅

之等以五帝非天唯用家語之文謂太皞炎帝黃帝五
人帝之屬其義非也○鏞案王肅云至極之尊祇應是
一只此一語嚴嚴正正無容再言而孔冲遠唯鄭是護
雜引諸文強從非理之義其引司服裘冕之文者上帝
之祭其名曰郊五帝之祭其名曰禘禘者帝祭也禘郊之事
其文本同故楚語觀射父之言曰禘郊不過繭栗又曰
禘郊之事天子必自射其牲王后必自舂其粢周定王
謂隨會曰禘郊之事則有全烝禘郊之物無不同者自
古以來禘者人帝之祭注家疏家未有以禘祭為東方
青帝南方赤帝之祭者然其儀物悉與郊同由是觀之

司服之同用裘冕何得為五帝是天之明驗乎此其誣
經護鄭之跡一也禮器云享帝于郊者享昊天上帝也
昊天上帝本祭于郊而五人帝亦兆于四郊者以其配
上帝也先引兆郊之文次引享郊之文轉移遷就乃陰
奪昊天風雨寒暑之權以授赤燁怒白招拒之等其僭
妄為何如者此其誣經護鄭之跡二也孝經者有疑之
書

朱子有
辨論

配天配帝分其等級有若天大而帝小天尊

而帝親者然故后稷配天文王配帝却又以配帝為配
天胡亂極矣自茲以降昊天上帝為有形之碧天需威
赤燁為宰物之大主悖逆天道莫此為甚以皇極殿為

天子之身中坐五天子以理天下於義何如此其誣引
護鄭之跡三也賈逵馬融王肅之等堂堂正論鄭義非
也

春官大宗伯

禮祀祀昊天上帝

鄭注云昊天上帝冬至於圜丘

所祀天皇大帝

鄭司農云昊天上帝元天也

賈疏云春秋運斗樞

云太微宮有五帝座星

又引文耀鉤

元命包云太微為天庭

五帝以合時

又元命包云紫微宮為大帝又云天生大列為中宮太極星其一明者大一帝居

文耀鉤云中宮大帝其北極星下太一之先是天皇大

帝之號○鑪案青帝赤帝之說本出緯書其妖邪屑越

大悖極逆不可言也列星為物無靈無覺乃以紫微一

星尊之為天皇大帝以太微五星命之曰五方天帝橫
說豎說以誣上尊罪至於此何以赦之周禮日月星辰
宗伯祭之者為天之明神司其轉動也豈謂彼有靈哉
上自秦漢下逮明清其郊祀之禮誣罔如此上帝其享
之乎鄭玄於此其無所逃罪矣

天官掌次云張壇案設皇邸以旅上帝

鄭云上帝即大
帝祭天于圜丘

春官大宗伯國有大故則旅上帝

鄭云上
帝也

春官典瑞

旅上帝

鄭云五
帝也

秋官職金旅上帝

鄭云五
帝也

○王制天子

將出類乎上帝

鄭云上帝謂五德之
帝所祭于南郊者

○鑪案旅上帝三字

毫髮不殊而大宗伯典瑞職金王制之文並以赤燂怒

等當之唯掌次一處注之曰大帝何故也掌次下文即

有祀五帝亦如之一句故鄭不得不遷就耳鄭若精思

遂當執此一句即知凡所謂旅上帝者皆非五帝而顧

乃執迷而弗悟孤存一葉盡蝕其餘豈不嗟哉

郊特牲天子適四方先柴孔疏云上帝謂當方帝○春

官典瑞賈云三王之郊各郊所○大傳云禮不王不禘

王者禘其祖之所自出以其祖配之鄭云凡言大祭曰

由生謂郊祀天也王者之先祖皆感太微五帝之精

威仰赤熛怒云云考經曰郊祀后稷以配天配需威仰

也宗祀文王以配○鑄案感生帝之說罔誕悖理而鄭

四圭以祀天旅上

帝鄭云祀天夏

正郊天也上

帝所郊賈云

三王之郊

玄偏信此說即凡三禮詩書所稱祭上帝諸文悉指為

青帝赤帝或稱感生或稱當方誣先王之禮篡上帝之

位厥罪大矣至於大傳之註七顛九倒不可究詰今略

提之禘者帝祭也

字从帝从示

混之爲大祭之總名其妄一

也禘郊雙立所祭各殊今乃以禘爲郊其妄二也祖者

后稷也稷所自出者嚳也嚳者帝也帝祭者禘也魯人

祖周公故文王爲出王鄭人祖桓公故厲王爲出王三

桓祖孟與叔季故桓公爲出公其義歷然今舉嚳不戴

忽以靈威仰爲后稷之自出亂倫滅理極矣其妄三也

履帝武敏者敏於蹈行也五人跡感動有是理乎姜嫄既以帝嚳爲夫君又感巨人跡至於受孕則肩越甚矣

遂以是法冒之百王堯赤舜黃禹白湯黑歷歷分排以

備五色卽是先世祖考徒虛名耳精氣所感別自有由
曰郊曰禘以圖崇報則倫彛亂矣其妄四也孝經別言
天帝本是謬義而原其本意則天尊而帝親天博而帝
專天是渾稱帝是特稱今乃以配天爲蒼帝以配上帝
爲並配五帝乖反極矣其妄五也兆五帝於四郊明載
周禮則或郊或禘明在郊壇而今以爲五帝之祭行之
於明堂何據矣其妄六也今考大清禮部則例郊祀之
典鄭義無一不行是知謬義之必主世如此矣

禮器饗帝於郊

孔云感生帝

大旅具矣不足以饗帝

鄭云大旅祭五

帝也饗帝祭天也孔云直云祭天則感生之帝與圜丘俱包之也

魯人將有事于上帝

鄭云蒼帝○雜記正月日至可以有事于上帝鄭云周

帝鄭箋亦云蒼帝○鑪案古者祭天之禮其正祭曰

郊啓蟄而行之其日用辛見原有事而告曰旅臚陳將

出而告曰類見詩冬至奏樂曰禋行之於圜丘見原配

之以人帝曰禘周禮所云皇天上帝唯一而已安有五

哉鄭氏所言七藤八葛東張西觸覽者自知今不屑辨

也

月令孟春祈穀于上帝鄭云太微之帝孔云迎春之季

夏之月以共皇天上帝鄭云皇天北辰耀魄室冬至所

無孔云月令皇天上帝之下更○鑪案周禮大宗伯唯有

昊天上帝一號皇天上帝卽昊天上帝分而爲二已極
弇陋况上帝之體無形無聲視之而非見聽之而非聞
今乃以紫微一星爲天皇大帝太微五星爲五方天帝
則無需有形之物推尊爲帝至五至六而昊天上帝唯
一無二之位已泯晦而不章矣罪至於此何以赦矣此
殆鬼怪非人爲也

商頌長發其祥帝立子生商

鄭云黑帝也孔云商是水德黑帝之精

○鏞

案夏之時白帝主世殷之時黑帝主世周之時蒼帝主
世則凡下土鼎革卽天國亦替代興代滅如人世之事
乎鄭氏於此性光全晦迷昧顛錯非復恆人之情不足

言也

先儒論辨之異

王肅曰天唯一而已安得有六五行分主四時化育萬物其神謂之五帝是上帝之佐也猶三公輔王可得稱王輔不得稱天王五帝可得稱天佐不得稱天帝鄭以五帝為靈威仰之屬非矣○鑪案王子雍謂天唯一其見卓越嚴正但五行之神本稱五祀蔡墨之對魏獻子詳覈無謬昭二十九年領於宗伯祭之以地示安得天神之列而有五行之帝矣一言剖劈則赤燂黑汁已雲消霧散王氏却云五行分主四時可稱天佐亦勞矣分主四

時本亦鄒呂之邪說稽之正理一不得立

王肅曰易帝出乎震震東方生萬物之初故王者定制之初以木德王天下非謂木精之所生也五帝皆黃帝之子孫各改號代變而以五行爲次焉何太微之精所生乎○鑰案天體至圓左旋無端地體渾圓繞行而復夫豈有東西乎本無東西又安有木東金西之理旣無木金之定方又安有木德金德欲破鄭義先自木德王一句劈其非理然後邪怪誕妄之物無所依附若於木德一句疑有實據則青帝白帝之紛然以作終不可禁止也

程子曰六天之說起於讖書鄭玄之徒從而廣之甚可笑也帝者氣之主也豈有上帝而別有五帝之理此因周禮言祀昊天上帝而後又言祀五帝亦如之故諸儒附會此說正如今人說六子乾坤之外甚底是六子譬如人之四肢只是一體耳學者大惑也○鏞案此時以理爲帝故曰帝者氣之主也誠若氣之主爲帝則天有六氣庸得無六帝乎周禮五帝不明爲人帝則鄭角難折且乾坤明有六子人身明有四肢而五方天帝是本無之物亦恐所喻未允也

朱子語錄問而今郊祀也都祀許多帝曰周禮說上帝

是總說帝句說五帝是五方帝說昊天上帝只是說天
鄭氏以昊天上帝爲北極看得不是恁地北極星只是
言天之象且如太微是帝之庭紫微是帝之居紫微偃
有太子后妃許多星帝庭偃有宰相執法許多星又有
天市亦有帝座處便有權衡秤斗星○又問今郊祀也
祀太一曰而今都重了漢時太一便是帝而今添了帝
多句都成十帝如一國三公尚不可況天而有十帝○
鑪案朱子但言俗弊至此未有卑白然心以為不可則
明矣指星為帝指星為后妃太子宰相執法將謂碧落
亦一朝廷抑謂星各有神以司下土之帝王后妃太子

之等乎妄人妖客信口胡囔狂言悖舌不可再述以之
解經以之制禮以之詔後世而垂大典豈不誤哉今有
妖人於遐陬邊邑鼓倡邪說云國王不止一人五方各
有國王總為六王又指一宮屋無知之物曰彼是國王
彼是后妃太子又增三四雜言謂國王有十餘位請問
朝廷掌法之臣將置之以不罪乎請各深思

楊復曰天帝一也以一字言則祀天享帝之類以二字
言則格於皇天殷薦上帝之類以四字言則惟皇上帝
昊天上帝皇天上帝之類以氣之所主言則隨時隨方
而立名如青帝赤帝黃帝白帝黑帝之類其實則一天

也前乎鄭康成如鄭衆孔安國注書並無六天之說鄭
康成後出分為六天又皆以星象名之謂昊天上帝者
北辰也謂五帝者太微宮五帝座星也夫在天成象在
地成形草木非地則星象非天天固不可以象求也以
象求天是何異乎知人之有形色貌象而不知有心君
之尊也況又附以緯書如北辰曰耀魄寶之類尤為不
經且鄭注周禮祀昊天上帝謂卽昊天上帝已知其爲
一矣及月令季夏季冬兩處有皇天上帝之文鄭氏又
折而為二以皇天爲北辰耀魄寶以上帝爲太微五帝
隨意曲說前後乖違是以王肅羣儒引經傳以排之以然

五帝爲人帝則非矣夫有天地則有五行四時有五行
四時則有五帝帝者氣之主也易所謂帝出乎震是也
果以五人帝爲五帝則五人帝之前其無司四時者乎
鄭則失矣王亦未爲得也夫祀天祀五帝皆聖人制禮
之條目非分而爲六也天猶性也帝猶心也五帝猶
仁義禮智信之心隨感而應者也其實則一天也○

鑄案信齋之論明白公正幾乎曰鄭濶而立王壘讀未

竟忽以五帝還作五方四時之神惜乎其察理有未周

也五行雖大本係地附之物

金木水火土

故司五行者本稱

地示名之曰五祀領之於宗伯經有明文又何五行屬
之天神而尊之爲帝如是乎若云五行雖係地示四時
空屬天神則必四時各具二帝纔可修職非一帝之所
能司也何者赤道以北之地春夏秋冬各如本序而赤

道以南之地春以爲秋夏以爲冬東方青帝雖欲以其
木德之仁行其春令而天地半分之氣肅殺淒厲自不
禁秋擎安在其木德之仁南方赤帝雖欲以其火德之
禮行其夏令而天地半分之氣閉塞錮寒自不禁冬蟄
安在其火德之禮計非二帝無以兼察之矣儒者坐十
笏之房所見不殊於井觀而春但知春夏但知夏以談
五行之氣以論四時之序其違乎朝菌蟪蛄也未遠矣
誠若五帝是天帝則鄭玄之臯比益高矣又何云鄭則
失之心性理氣無所當於此訟矣

陳氏禮書云周禮有言祀天有言祀昊天上帝有言上

帝有言五帝言天則百神皆與

謂總名

言昊天上帝則統

乎天者

謂最尊

言五帝則無與乎昊天上帝

次等尊

言上帝

則五帝兼存焉

互稱之

周官司表掌為大表以共王祀天

之服

天

典瑞四圭有邸以祀天

天

大司樂若樂六變天

神皆降凡以神仕者冬至致天神此總天之百神言

之也

總

大宗伯以禋祀祀昊天上帝

昊

司服大裘而冕

以祀昊天上帝此指統乎天者言之也

統

司服言祀五

帝亦如之則五帝異乎昊天上帝也太宰祀五帝掌百

官之誓戒祀大神示亦如之則五帝異乎大神也

五肆

師類造上帝封於大神則上帝又異乎大神也

上掌次

大旅上帝張瓊案設皇邸祀五帝張大次小次則上帝
異乎五帝也上典瑞四圭有邸以祀天旅上帝則上帝
異乎天也上帝之文既不主於天與昊天上帝昊天又
不主於五帝而典瑞旅上帝對旅四望言之旅旅者會
而祭之之名則上帝非一帝也上帝非一帝而周禮所
稱帝者昊天上帝與五帝而已則上帝為昊天上帝及
五帝明矣○鑄案人主之稱或稱曰國或稱曰大王或
稱曰乘輿非於大王之外別有國主別有乘輿之君也
上帝或稱天或稱昊天猶人主之或稱國或稱乘輿豈
可隨立一帝唯意所欲乎陳氏之意確以天與上帝分

而為二是眩於鄭玄之邪說而不察古經之過也盤庚
之誥首言天命曰先王恪謹天命曰罔知天之斷命曰
天其永我命乃忽云肆上帝將復我高祖之德若如陳
氏之義則天命出於昊天而其復我高祖之德者由於
青帝赤帝之類乎天與上帝何得二之召誥曰皇天上
帝改厥元子大國殷之命若如鄭義將云北辰耀魄寶
與太微汁光紀改厥殷命乎大悖極舛罪通于天矣卽
其下節曰天既遐終大邦殷之命若如陳義天與帝異
則上云皇天上帝改大國之命下云天終大邦之命其
命不同各有所出矣其有是乎唯是典瑞之文祀天旅

上帝雖若有別亦自無疑蓋祀天者郊天之禋祀也郊

唯祀帝故止稱祀天若旅之爲祭所用不一或旅于四

望大宗或旅于山川季氏旅泰山故明云旅上帝以明他旅

之不用四圭也祀與旅別而不知分析旅者陳也有大故則陳告之若

今之告天與帝同而強欲殊異豈非惑歟五帝者人帝

也五帝配天兆於四郊故其禮至重天無二帝况於五

六乎陳氏非矣

陳氏禮書五帝與昊天同稱帝不與昊天同稱天猶諸

侯與天子同稱君不與天子同稱王周官祀五帝之禮

有與天同以極其隆有與天異以致其辨故皆禋祀皆

服大裘此其所同也祀帝于圜丘兆五帝于四郊此其所異也○鑪案天子諸侯同稱帝然後其例相肖同稱君非所喻矣都君相君大夫君平原信上下所同將帝亦然乎圜丘奏樂本係禋除之禮非祀帝也

馬端臨曰五帝為五行之主而在天猶五嶽為五行之鎮而在地也五帝不出於天之外而謂五帝即昊天則不可五嶽不出於地之外而謂五嶽即后土亦不可○

鑪案五行者地附之物

欒水欒火土

故司五行者為地示名

之曰五祀蔡墨論之詳矣又豈有五帝列於天神哉禹貢九州其在大地上全體不能為百分之一欲以五嶽全

鎮大地亦難矣童孩之見不足辨也

方觀承

吉體通考
同訂者

案天卽帝也帝卽天也天一而已何

得有六然帝既有五天亦何嘗不可有六此如心君然
心一而已本無兩心然分而言之有惻隱羞惡辭讓是
非之不同康成天神之解所以不可据者以其溺於緯
書既附會星垣又強立耀魄寶及靈威仰赤熒怒等名
目其大病尤在混禘於郊瀆祖宗於明堂所以王肅諸
儒力辨其非耳若謂五帝不爲帝六天不爲天則分爲
四時列於五方又何不可哉然是就一時一方言之不
得謂之統體之天也程子謂乾坤外甚的是六子誠哉

六子卽統於乾坤也然須知八卦成列原有六子但旣
異形不得仍謂之乾坤矣統觀諸儒之說當以冬至元
日孟夏季秋四祭為祀天之正而五帝之祀茅為四時
迎氣而不混於祭天之中斯可廓清歷來之聚訟也○
鑪案方氏之說非矣比物引類皆科場之陋習非所以
議經禮也祖考之心各具惻隱等四心有作木主四座
以祭之曰我祖考嘗有惻隱等四心故我今祭之仍曰
我祖考之外祖考還有四人人將謂何鄭玄六帝之說
與此毫髮不殊何苦護之二至二分謂之四時可也天
體渾圓安有五方天僅有南北而已然彼南極之下玄

冰黑海與新增臘不異矣南方赤帝赤熛怒枉尚赤發
怒若使南土人議禮必將又覓一北方黑帝汁光紀以
司厥方不必用火德矣坐井之見不辨四方何以議大
禮矣乾坤六子本係失喻方氏果因而據之耶夫至一
無二之謂帝至尊無對之謂帝可二可六則下土之僭
亂也謂天有是乎啓蟄而郊歲一祭而已或旅或類或
雩或禴非恆祭也篤信三古之文誠求昭事之典則呂
不韋之令鄭玄之註自可以廓清方氏遠矣

秦蕙田曰鄭氏注經天帝名目錯出一天帝也曰北辰
耀魄寶天皇大帝皇天上帝昊天上帝一天而數名又

謂皇天北辰耀魄寶上帝太微五帝一號而二神一五
帝也曰五德帝當方帝感生帝也隨時而變其病總在
謂天有六而天帝為二○鑪案此論頗正

秦蕙田曰古者天子一歲祭天有四冬至郊天一也春
析穀二也夏大雩三也秋大饗于明堂四也四祭皆專
祀昊天上帝而冬至陽生為正祭此不易之說也乃疏
謂天神有六祭之一歲有九夫析穀雩祀大饗所祀者
上帝非五帝也五時迎氣祭五帝非祭上帝也今五帝
之祭有八上帝之祭止一況小宗伯明言兆五帝于四
郊何得以五帝之祭混于祭天皇氏又謂天有六天歲

有八祭又牽入郊禘夏屬支離王肅曰祭天歲二冬至祭天春祈農事馬端臨從之然除去大雩大饗亦似未安唯程子謂歲祭天有四冬至祈穀大雩明堂較為有據然祈雩祈祭也明堂報祭也禮皆有殺

正祭止

冬至圜丘一祭而已○鋪案五帝者人帝也五方天帝本是邪說呂不韋鼓之於前鄭玄成之於後不此之劈頭腦而欲止其流末之狂瀾其可伏乎冬至郊天周禮無文春秋無文圜丘奏樂明是禋禮孟獻子冬至有事之說郊特牲冬至用辛之文皆係後出未可深信雩者旱祭也旱則祭之非歲事也月令季秋大饗帝者秦人

本祠白帝故至盛秋而祭之非古典也明堂宗祀之說出於孝經亦無古據四時迎氣是呂不韋之邪說義和賓賤未聞其有祭也然則柰何啓螯一郊而已旅獒雩柴有時乎行之也秦說未粹

秦蕙田曰郊丘非二地無二祭王肅謂郊卽圜丘圜丘卽郊馬氏謂郊者圜丘之地圜丘者郊之壇蓋王者于國之南郊因吉土以築壇郭璞曰地有吉氣土隨而起禮器云因吉土以享帝于郊是也爾雅非人爲謂之丘吉土必高故曰丘築壇象天之圜故曰圜丘亦曰泰壇故曰至敬不壇蓋以自然之丘爲壇爲高必因丘陵而

非謂祭天無壇也舉一郊而圜丘泰壇統之是無二地
矣周禮冬至祭天于圜丘郊特牲周之始郊日以至
則非二祭矣乃注疏于大宗伯大傳祭法郊特牲大司
樂誤以郊丘爲二地二祭于是所祀之帝則有天皇大
帝及感生帝之異豈知天一而已無二天安有二帝感
生帝之說尤屬不經王肅已非之矣○鏞案郊與圜丘
是一是二雖不可定大司樂圜丘奏樂此是禋禮不是
祭禮普請天神以祈禦災除患非以禋祀祭昊天上帝
魯僖公旣行郊禮不應疎忽不知冬至是郊之正日而
冬至之郊不見春秋周禮無文春秋無文則豈可以郊

特牲一章孰為信文乎

吉土吉氣皆後世之雜說不足多辨者

秦說大約

無誤但云周禮冬至祭天未能詳檢也

秦蕙田云鄭氏所以分郊丘為二地二祭者孔疏大宗

伯云蒼璧禮天典瑞云四圭有邸以祀天是王不同考

蒼璧四圭非兩玉也蒼言其色璧言其質四圭言其製

四圭四面各一圭蒼以象天之色璧以象天之圓四圭

以象天之四時尺有二寸以象天之十有二月圭之本

著于一璧亦以象乾天統天也本不必分為二王又何

緣為兩祭之證耶

又徐邈曰璧以禮神圭以自執故曰植璧秉圭非圜丘与郊各有執

楊信齋曰於蒼璧言禮於四圭言祀說者謂禮神在求

神之初祀神在薦獻之初蓋一祭而兩用即如是說亦

足以破鄭氏兩祀之謬○鑪案祀天者郊天正祭也旅

上帝者有事而告天也大宗伯作六器以禮天地四方

者司天之神司地之神及四方之神也上帝穆臨羣神

奔屬有司天宇而幹運者矣有司司地毬而安存者矣四方

四嚮明神布列此之謂四望詳著于原篇郊與四望每一時

並舉故春秋屢書云乃不郊猶三望天子禮天地四望諸侯但祭四望而

各隨其方又去一望所用各殊不必牽合秦氏以蒼璧四圭合作

一器有若方明之制方明見上篇亦誤矣徐楊之說亦各有

味但禮天地四方別是郊祭時一節非以郊天為禮天

祭社爲禮地也

北郊祭地尤無
古據今不論

秦蕙田云孔疏又云大宗伯牲幣各放其器之色則牲
用蒼祭法云用騂犢是牲不同楊信齋曰天道渾全陰
陽五行具備不比五方偏主一色遠望則其色蒼純陽
則其色赤故說卦曰乾爲大赤周爲赤色用騂犢又何
以蒼璧爲疑夫玉以禮天至敬也故取象天之色牲則
各從所尚如玄牡白牡之類若玉必用赤則且混于赤
璋之色矣何玉與牲必同色耶○鑄案古今大病全在
乎認天爲帝而堯舜周孔不如是錯認故以今眼釋古
經一往多誤凡以是也上帝者何是於天地神人之外

造化天地神人萬物之類而宰制安養之者也謂帝為
天猶謂王為國非以彼蒼蒼有形之天指之為上帝也
故郊旅之事享于上帝至若禮天地四方者是於上帝
之外致禮乎天神者天神有司天者有司地者護持國
邑護持州縣者布列四方此所以作為六器以致敬禮既
祭司天之神玉與牲幣皆從天色既祭司地之神玉與
牲幣皆從地色四方亦然此與郊天大祭何與何干顧
若是之糾紛也若云禮天是郊天則皇皇上帝下與司
土之神及四方諸神列為同秩分受六玉亦不可曰周
公善制禮也古者事神最重品秩故宗伯古稱秩宗祭

神亦稱咸秩而四望句秩于山川五嶽秩于三公四瀆
秩于諸侯古禮之嚴於秩如此乃以上帝下同土神及
四方之神平為一秩分受六王可乎必無是矣

秦蕙田云孔疏又云冬至圜鍾為宮祀天神乃奏黃
鍾歌大呂是樂不同陸佃曰圜鍾降神之樂也故曰凡
樂圜鍾為宮冬至于圜丘奏之天神皆降黃鍾祀神
之樂也故曰乃奏黃鍾以祀天神所用之樂雖不同不
害其為同祭據此則鄭注之所拘泥者可以盡破而帝
天之殊號配祭之異帝尤惑于識緯不足辨矣○鏞案
陸農師之說雖若有味今按周禮本文黃鍾一段在上

文園鍾一段在下文不得云此為降神彼為祀神況降神之法專向一神而園丘則曰天神皆降方丘則曰地示皆出皆者百千萬之意也豈所以降上帝乎冬至秦樂委是禋禮與郊祀無涉也

已見前

鄭氏禘祭之辨

王肅曰鄭玄以祭法禘黃帝及嚳為配園丘之祀而祭法說禘無園丘之名周官園丘不名為禘是禘非園丘之祭也玄既以祭法禘嚳為園丘又大傳王者禘其祖之所自出而玄又施之於郊祭后稷是亂禮之名實也案爾雅云禘大祭也釋又祭也皆祭宗廟之名則禘是

五年大祭先祖非圜丘及郊也周立后稷廟而饗無廟

故知周人尊饗不若后稷之廟重

又云仲尼當稱昔者周公祫祀饗於圜丘

以配天今無此言知祫祀圜丘非也

知郊卽圜丘圜丘卽郊○鑄案孔子

答問祫之言曰不知也知其說者之於為天下也其如

視諸斯乎指其掌蓋其為祭也大義玄遠神道昭明有

足以行教化而服天下也夫子之答曰不知又何故也

及觀春秋祫不過為諸侯宗廟之時享而已不見其玄

義及觀周禮六篇都無一個祫字又爽然自失矣唯大

傳小記曰王者祫其祖之所自出而以其祖配之

禮所云不

王不春秋外傳魯展禽之言曰有虞氏祫黃帝

祖顓頊郊堯宗

舜夏后氏禘黃帝祖顓頊郊商人禘嚳祖契郊周人

禘嚳郊稷祖文而宗武乃楚語觀射父說祭禮每禘郊並稱如

云郊禘不過繭栗烝嘗不過把握又云禘郊之事天子

自射其牲王后自舂其栗周定王謂隨會曰禘郊之事

即有全烝諸語誠若禘祭為宗廟之歲事則牲用繭栗

已不合矣空用烝嘗例且觀周禮雖無禘字而祭五帝諸文

重現疊著每與祀天並稱將非祭五帝是禘祭乎小宗

伯兆五帝於四郊則五帝祭於郊矣郊禘並稱不亦可

乎禘者帝祭也字从帝从示五帝之祭其非禘也乎蓋自堯

舜之時崇祀五帝義農軒吳顓配食於昊天上帝特祀其祖

亦配食於是天上帝彼名曰禘此名曰郊彼所以報五

帝故名之曰祭五帝此所以事上帝故名之曰祀天於

是別作閼宮祭其祖之所自出

周人別有戶稷廟是魯閼宮之類

亦名

曰禘大傳小記及魯展禽祭法之所言皆此禘也其祖

之所自出未嘗非帝則名其祭曰禘不亦可乎此二禘

祭之外凡禘皆後世之濫稱鄭氏之誤注不足論也

見原

篇若王肅駁玄之言並皆嚴正唯響稷輕重今不可考

趙匡曰禘之所及者最遠故先言之耳豈關圜丘哉祖

之所自出鄭玄謂感生帝靈威仰此何妖妄之甚○楊

復曰禘郊祖宗四條乃宗廟之大祭唯郊一條爲配天

之祭經傳昭然不可誣也祭法禘在郊上者謂郊以祖配天禘上及其祖之所自出禘遠而祖近故禘在郊上也鄭氏見禘在郊上便謂禘大於郊遂強分圜丘與郊爲二以禘爲冬至日祀昊天上帝於圜丘而以饗配之以郊爲祭感生帝於南郊而以稷配之旣謂禘郊皆配天矣遂併以祖宗爲祀五帝於明堂而以祖宗配之輕肆臆說附經而行居之不疑王肅諸儒力詆其非不能勝也此無他王肅諸儒之說正矣又以禘爲五年殷祭之名其擇猶未精其義猶未彰也唐趙伯循生於二千歲之後獨得其說於祭法大傳小記子夏傳之中於是

禘郊祖宗之義煥然而大明言雖簡約而義已該備故
朱子淡有取焉○鏞案趙氏之說誠簡嚴得正矣然周
禮五帝之祭每與郊祀並稱此祭無名不可不講若云
青帝赤帝則妖邪僭逆不可復言疑所謂禘郊之事卽
此大祭而其祖之所自出亦此五帝之中必居其一

國語

祭法軒顓
堯舜而已

或於祭五帝之日別有儀節以明其祖之

所自出

五帝之中特
以一帝爲主

或別祀於太祖之廟今不可知也

凡祭皆有名郊社柴望旅類雩禋各有專稱何獨五帝
之祭遂無指名其爲禘郊之禘審矣趙氏於祖出之禘
誠得正旨而周禮五帝之祭未有措處則鄭玄之妖妄

將未已矣豈可但已乎

馬端臨曰祀天莫大于郊祀祖莫大于配天四代之郊見於祭法經文簡略後之學者莫不求之鄭注而注之叢雜抵牾如此先儒謂其讀祭法不熟見序禘于郊之上於是意禘之所祀者天也故盡以爲祀天然康成漢人也西漢之所謂郊祀蓋襲秦之制而雜以方士之說曰太一曰五帝叢雜而祀之皆謂之郊天太史公作封禪書所序者秦漢間不經之祠而必以舜類上帝三代郊祀之禮先之至班孟堅則直名其書曰郊祀志蓋漢世以三代之所謂郊祀者祀太一五帝於是以天為六

以祀六帝爲郊自遷固以來議論相襲而然矣康成注
二禮凡祀天處必指以爲所祀者某帝於是釋禘郊祖
宗或祀一帝或祀五帝各配以一祖其病蓋在于讖緯
之書以解經秦漢之事以爲典也然六天之祀漢人崇
之六天之遷說固志之則其謬非始于康成也○鏞案溯
源探本劈頭破腦馬氏之論最粹

秦蕙田云鄭康成註大司樂圜丘奏樂曰此禘大祭也
是以圜丘爲禘也註祭法有虞氏禘黃帝曰祭昊天于
圜丘是以禘爲圜丘也註大傳禘其祖之所自出曰郊
祀天也孝經曰郊祀后稷以配天配嚳威仰也是又以

郊爲禘也旣分郊丘爲二祭又合郊丘爲禘祭惑誤滋甚王肅發其端趙氏楊氏詳其辨諸家從而引伸之可謂廓如矣○鏞案康成注經最稱三禮而其錯誤如此吉禮爲五禮之首郊禘爲吉禮之首而叢雜妖妄無一而當於理王肅斥之是矣而王肅終不得立鄭玄終不得廢所謂郊祀之典下逮明清欽此欽遵靈威仰赤燁怒遂篡上帝之位嗚呼其何言矣

與猶堂集卷之百五十六

泐水 丁鏞 迹

春秋考徵 十二

雜禮

余舊讀春秋三傳選其有關於五禮者

吉凶軍賓嘉

錄其

疑義爲數卷名之曰魯禮考今於篋笥中得之刪落
浮靡附之考徵之末道光辛巳春

考仲子之宮初獻六羽

隱五年

左氏曰天子用八○鏞案六佾者六八也

八四十四

四佾者

四八也

三十三

士二者二八也

十六

若如杜說則二佾之

樂將何以節八音而行八風乎左傳鄭人賂晉侯女樂

二八

襄十年

史記秦繆公以女樂二八遺戎王

秦本記

宋王

招魂賦二八齊容起鄭舞些

又樂書云師曠援琴而鼓之有玄鶴二八舒翼而舞

此皆二八十六之明驗也

禘于太廟用致夫人

僖八年

左氏曰夫人不薨於寢○鑪案哀姜之死于今八年矣

誠若當時殯廟祔姑則尚不入廟無是理也哀姜既死

十一月而葬

見二年

殯廟祔姑經無明文杜說不知所據

且哀姜之死也書之曰夫人姜氏薨其葬也書之曰葬

我小君哀姜

見二年

今於入廟之時不謚不姓但稱夫人

抑何故也將云譏貶不亦晚乎左氏之不可信往往如此

穀梁曰立妾之辭○劉向曰夫人成風也致之于大廟

立之于夫人成風者僖公之母雖尊其母是卑其父○鑄案此

經之義當以劉向為正何者成風者莊公之妾文三年

之經卒然書之曰夫人風氏薨十一月厥明年又書之曰

葬我小君成風三月若其中間無用致夫人一段曰夫

人曰小君者不亦突然而無漸乎哀姜追入之說既違事

理左氏齊媵者嫡之解亦甚乖戾公羊不可從也其必

因禘而致之何也宗廟之祭主婦亞獻主婦薦簋劔主

婦薦籩豆一行此禮於是乎夫人也

非嫡夫人不能行此禮

其必

太廟者成之於周公之廟則羣公之廟順流之勢也此

其為失禮者二

義有二

春秋之義母以子貴然尊其名號

致其孝養可也父之所妾子乃妻之

尊之為父妻

祖所不見

成風未嘗行三月廟見之禮

孫乃婦之

尊之為主婦

既死其父

死其親

又誣

其祖

誣周公

其非禮一也凡禮舅沒則姑老

內則文

故姑老

之婦得稱冢婦

內則文

而特牲禮之注唯主人之妻得稱

主婦

鄭立云

此上下之達禮也僖公主其祭而成風為之

婦天下無此禮也子視其牲厥母視簋子之既獻母乃

亞之安在其夫婦共祭也其非禮二也此孔子所以書

之也

邾人執鄫子用之 僖十九年

左氏曰六畜不相為用○鑪案六畜不相為用者謂用

豕之祭不用羊

土祭不用羊

用犬之禮不用牛也

鄉禮皆杜用犬

以為馬祭不用馬謬矣且馬祖之祭亦祭先代之始乘馬者非祭獸也獸死無需聖人必不祭也若八蜡之祭迎虎迎猫野人之俗不足據也

太室屋壞

文十三年

公羊曰周公用白牡魯公用騂犗周公盛

用新穀

魯公燾

冒也上冒以新穀

羣公廩○鑪案注疏曲解也新穀非珍何至

上冒夫粢盛之法嘗則用新春夏則用舊半新半舊末
之聞也○又案禮記曰魯公之廟文世室也武公之廟
武世室也伯禽之玄孫魯頌曰白牡騂牝公羊之義蓋據是
也

鄭公孫僑如晉 昭元年 左氏補傳

左氏曰閼伯主辰實沈主參鄭子產之言○鑄案主辰主參

謂察其伏見測其徙度以輔曆法若羲和之各主四方
也今據子產之說山林星辰之神皆人死之鬼非祭不
露之物也 已上吉禮

君氏卒 隱三年 公穀云尹氏卒

穀梁曰天子之崩為魯主○鋪案天子無客禮郊特故

諸侯亦不敢為客於天子非敵諸侯弔於天子則大夫

為之主為弔賓此經其證也至於大行人之文非指弔

禮也古者諸侯弔於鄰國之大夫則本國之君為之主

若曾子問所記季桓子之喪是也以此推之諸侯之弔

天子大夫必為主矣定四年莒劉文公亦此義也

子般卒莊三十二年

公羊曰未踰年之君也○疏云喪服不杖期章之內有

為君之長子臣下猶服之況為嗣君而言無服者正以

為長子之時其臣下從君而服之若其為嗣君則無從

服之義是以知其無服矣不但如此作君長子之時其臣皆吉故得爲之服期若作未踰年之君臣下皆爲前君服斬寧得受爲之服乎若還服期卽是廢重服輕若爲斬衰三年卽違一年不二君之義故也○鑪案疏說疏矣並有喪兼服之法唯以未虞旣虞未練旣練爲之

法制

見問傳服問雜記小記

斬衰雖重旣虞卒哭期大功之服得

以來易況新君之服苟亦斬衰則虞而易之可勝言哉疏義謂不敢廢重服輕疏矣○又案曾子問曰君喪服

於身不敢私服

孔子云

若以此禮推之未踰年之君亦當

無服大抵王朝之禮與大夫士之禮大相不同嚴截無

恩不設多少節目講禮者宜審焉

鄭子家卒 宣十年 左氏補傳

左氏曰改葬幽公諡之曰厲○鑄案將欲改諡必先改

葬古之禮也古者諡必以葬傳云於卒其云改葬者棺

槨之制明器之數贈幣之等或有不中或君用臣禮或卿用士禮皆不

中於是乎改葬若改葬惠公隱元改葬共太子之

類是也然其改葬之法因其舊壙改其儀物非如後世

惑於風水之說扣其骸而遠徙也故古曰改葬今曰遷

葬

公薨于路寢 宣十八年

左氏曰公孫歸父聘于晉襄仲子公薨季文子逐東門氏

襄仲居東門子家還及笙歸父也壇惟復命於介除地為壇而張帷介副也

將去使介反命於君既復命袒括髮以麻約髮卽位哭三踊而出公薨故

○鑄案此文君薨卿大夫士袒括髮成踊可知也庚申

大喪之時大臣以下無袒括髮之節大非禮也修國

禮者宜補宜在小歛

仲嬰齊卒成十五年

公羊曰仲嬰齊為兄後也父兄歸為人後者為之子也其繼

世

○何休云弟無後兄之義為亂昭穆之序失父子之

親故不言仲孫明不與子為父孫○鑄案公子遂者魯

莊公之子

仲 卽襄

此別子爲祖也公孫歸父者公子遂之

長子

奔齊者

此繼別爲宗也繼別爲宗者大宗也大宗無

後則以支子後之

見儀禮

或弟爲兄後或孫爲祖後未必

皆昆弟之子爲伯父後也一爲人後則爲所後者斬衰

三年爲所後者之妻齊衰三年

見儀禮

弟爲兄後孫爲祖

後者無二禮也

爲兄後者爲其兄斬衰三年爲其嫂齊衰三年

若是者何也春

秋世卿故公族大夫無異國君國君之禮雖兄爲弟後

猶用父子之禮故春秋之義閔爲僖禰

文二年

子雖齊聖

不先父食此之謂也殷人之兄亡弟及亦繼其兄非繼

其父仲嬰齊之後歸父不過日用之恆禮也何休不達

此義乃云弟無後兄之義亂昭穆之序失父子之親何

其謬也

疏云案異義公羊說云質家立世子弟文家立世子子而春秋從質故得立其弟以此言之嬰

齊為兄後正合諸春秋之義何得謂之亂昭穆之序失父子之親者（○）又按為人後者為

之子也者謂有繼嗣之義非謂呼所後者為父呼所後者之妻為母也為祖後者既不能呼祖為父為兄後者亦不得呼兄為父則為伯父後者獨安得呼之為父乎故所後家之稱父母三禮三傳都無明文（○）又按為所後者斬衰三年為其父母降服期年者尊大宗也尊大宗者為有君道也有君道則有父道有君父之道則有臣子之道臣子為其君父不得不斬衰三年此服術之

大義也今也庶人支子之無子者取族兄弟之子以為
後猶為之斬衰三年禮乎非禮乎宗室之子入承大統
為之服斬衰三年而降其父母為大宗後者降其父母
亦此義也妾子之為父後者為其母總為大宗後者降
其父母亦此義也今也為庶人支子之後者猶降其父
母禮乎非禮乎尊非可尊而斬衰三年卑無可降而降
服期年無繼祖之重而事之以君父之道無承統之嫌
而自絕其父母之恩無一而當乎義者也持世教者宜
察焉

鄭公孫蠆卒

襄十九年

左氏補傳

左氏曰王追賜之大路也

王車

○鑪案大夫之葬有賜則

得用匱路況於天子諸侯之喪乎經證如此而鄭玄猶用屈車四輪迫地不亦謬哉

鄭人殺良霄

襄三十年

左氏曰葬諸斗城○鑪案齊莊公葬于北郭

襄二十五年

鄭伯

有葬于斗城皆以兵死刑死之故不入兆域也不然者

雖天子諸侯皆用族葬之法

見周禮冢人及墓大夫

故葬不書地

叔孫豹卒

昭四年五年

左氏曰叔孫卒杜洩將以路葬且盡卿禮

路車王所賜

南遺

謂季孫曰叔孫未承路葬焉用之且冢卿無路

謂季介

卿以葬介次也謂叔孫不亦左乎○鏞案葬用路車若是明甚

而鄭玄別制四輪迫地之車欲以用之於天子諸侯之

葬不亦謬乎

左氏曰葬鮮者不以壽終曰鮮自西門不得由正門杜洩曰卿喪自

朝魯禮也古者王宮之制面朝後市○鏞案既夕云至于邦門疏云

國城北門為其葬於北方也今云卿喪自朝朝由正門

則恐是南門孔疏云西門幽僻欲從正路而出南門或者卿以上乃由南

門與

左氏曰舍中軍使杜洩告於殯曰告叔孫之柩子固欲毀中

軍既毀之敢告○鏞案告事之辭見於經傳者如此今

之告事非無據也

葬鄭簡公昭十二年

左氏曰子產弗毀日中而葬○鑛案雨不克葬庚寅乃

葬宣八年則不揀日矣弗毀入室日中而塋則不揀時矣

諸侯尚然況其下者乎

叔孫婁卒昭二十五年

左氏曰昭子齊於其寢使祝宗祈死戊辰卒

恥為平子所欺因祈

而自殺○鑛案古人疾則齊此其明驗也

公之喪至自乾侯定元年

公羊曰正棺於兩楹之間然後卽位○何休云禮天子

五日小歛七日大歛諸侯三日小歛五日大歛卿大夫
二日小歛三日大歛夷而經殯而成服故戊辰然後卽
位凡喪三日授子杖五日授大夫杖七日授士杖○鑪
案殯而後卽位禮固然矣其云殯而成服者士大夫之
禮非天子諸侯之禮也杖與成服例在同日經旣云三
日授子杖四制文則三日成服可知也

葬定姒定十五年

公羊曰姒氏者哀公之母也○鑪案左氏以姒為適以為

定公妻公穀以姒為妾但古禮嫡夫人得從夫諡如鄭武姜衛莊

己上凶禮

公狩于郎桓四年

公羊曰一曰乾豆二曰賓客○鑪案乾豆者少牢特牲

及聘禮所謂腊也

易云噬腊肉

太牢九鼎則又有鮮腊此生

用者也然野獸難捉不可期必故隨得而乾之以待其用此所以名之曰腊者也

晉人敗秦師于殽

僖三十三年

左氏曰秦伯素服郊次鄉師而哭○鑪案古者覆軍喪

師純用喪禮故訃車櫨

檀弓

君素服自稱曰孤皆禮

也

大蒐于昌閭

昭二十二年

穀梁曰秋而曰蒐此春也其曰蒐何也以蒐事也○鏞案蒐狩之得通名如烝嘗之不拘時也

己上軍禮

曹世子射姑來朝

桓九年

左氏曰初獻樂奏而歎○鏞案聘禮雖上大夫不過三獻故季孫宿之享于晉也曰得貺不過三獻

昭五年

此用

上卿之禮則其云初獻者三獻之初獻也

公子遂如齊至黃乃復

宣八年

公羊曰至黃乃復

黃齊地

有疾也大夫以君命出聞喪

父聞

母之喪

徐行而不反

不忍疾行又為君當使人追代之

○何休云以喪喻

疾者喪尚不當反况於疾乎○鏞案假如赴燕之使行至安州聞其父母之喪則且得日行十里以待他使之來不敢遽自奔回也

晉侯使士會平王室宣十六年左氏補傳

左氏曰王享有體薦享則半解其體而薦之所以示其儉○鏞案體薦者

牲體之薦也其禮殷盛折俎者折骨之殺也其禮簡薄

享者聘禮之所記也聘禮用太牢宴者燕禮之所記也燕禮用折

俎今杜注以享為儉以宴為惠謬引卻至之言成十年疏

謬甚矣

此王禮也若諸侯相聘則雖卿大夫皆用太牢

己上賓禮

祭公來遂逆王后于紀桓八年

穀梁注范甯云春秋左氏說曰王者至尊無敵無親逆

之禮鄭君曰大妣之家在郃之陽在渭之涘文王親迎

于渭卽天子親迎之明文矣天子雖尊夫婦配合禮同

一體所謂無敵豈施此哉

禮記哀公問曰冕而親迎不己重乎孔子對曰合二姓之

好以繼先聖之後以為天地宗廟社稷之主君何謂己重焉○范云為天地之主非天子則誰

○鑄案

文王親迎之時諸侯耳非天子也世子耳非諸侯也鄭

君以為天子親迎之明文何也哀公問大婚之禮果是

天子諸侯之通禮然其本文曰大昏既至冕而親迎謂

女既至郊婿乃冕服而出迎也衛風云碩人其頤衣錦

聚衣碩人教教說于農郊朱憤鑣鑣翟華以朝鄭箋云

君夫人翟衣而嫁今衣錦者在塗之所服

又鄭云要整衣服於衛近

郊衛侯當時冕而至齊則莊姜亦必以禴翟之服自齊

至衛又何必至于農郊乃正翟衣乎且冕服者祭服也

踰境越國冕而千里非所以敬祭服也冕而親迎非所

謂郊迎乎大雅曰韓侯取妻蹶父之子韓侯迎止于蹶

之里

韓奕篇

蹶父者周之卿士也所謂蹶里在於京師故

韓侯因其入覲遂以親迎上章曰韓侯入覲其次曰韓

侯出祖其次曰韓侯取妻其事實可見矣然且韓侯者

諸侯也天子親迎無明文矣

宋殺其大夫

僖二十五年

公羊曰宋三世無大夫

宋襄公以下

三世內娶也○鑄案周

時天子皆娶於諸侯不聞其不臣也不臣妻父抑何據也新羅之時王妃之父皆封葛文王此夷俗也何邵公之說不亦謬乎

單伯如齊

文十四年

穀梁曰單伯淫于齊○鑄案左傳單伯叔姬之事連延詳悉具有本末而公穀卒然誣之以罔極之罪不既險乎公穀之不可信如此

宋公孫壽來納幣

成八年

左氏曰凡諸侯嫁女同姓媵之所以息陰訟異姓則否○鏞

案諸侯一娶三姓故莊姜之媵厥有戴嬀屬嬀皆陳女與

此傳不合

臧孫紇出奔邾襄二十三年

左氏曰初臧宣叔

紇之父

娶于鑄生賈及為子

生二

繼室以

其姪

鑄女之姪也

○鏞案魯惠公娶於宋曰孟子

即元妃

孟子

卒繼室以聲子

隱公母

聲子者孟子之姪娣也臧氏之事

怡與此同當時大夫之婚亦有媵妾可知也

晉少姜卒

昭二年三年

左氏補傳

左氏曰叔向曰寡君未有伉儷在衰絰之中○鏞案衰

經者為少姜服也少姜之死魯侯弔焉晉侯辭曰非伉

儷也

昭元年

今乃曰在纁經之中非妻非妾斯何物也

其聘

也納幣妻則妻矣

亂矣

已上嘉禮

己巳日有食之隱三年

公羊曰朔者食正朔也失之前者朔在前也失之後者

朔在後也○鏞案二日食晦日食皆由曆法疏舛也先

儒以為君行暴急則日行疾故二日食君行懦弱則日

行遲故晦日食

何休云

何其誣矣孔子於朔則書朔非朔

則書日曆法之謬孔子既知之矣為之闕疑可乎

穀梁曰食者內壤○麋信云齊魯之間謂鑿地出土鼠

左氏曰凡諸侯嫁女同姓媵之所以息陰訟異姓則否○鏞

案諸侯一娶三姓故莊姜之媵厥有戴嬀屬嬀皆陳女與

此傳不合

臧孫紇出奔邾襄二十三年

左氏曰初臧宣叔紇之父娶于鑄生賈及為生二子繼室以

其姪鑄女之姪也○鏞案魯惠公娶於宋曰孟子即元妃孟子

卒繼室以聲子隱公母聲子者孟子之姪娣也臧氏之事

怡與此同當時大夫之婚亦有媵妾可知也

晉少姜卒昭二年三年左氏補傳

左氏曰叔向曰寡君未有伉儷在衰絰之中○鏞案衰

經者為少姜服也少姜之死魯侯弔焉晉侯辭曰非伉

儷也

昭元年

今乃曰在續經之中非妻非妾斯何物也

其聘

也納幣妻則妻矣

亂矣

己上嘉禮

己巳日有食之隱三年

公羊曰朔者食正朔也失之前者朔在前也失之後者

朔在後也○鏞案二日食晦日食皆由曆法疏舛也先

儒以為君行暴急則日行疾故二日食君行懦弱則日

行遲故晦日食

何休云

何其誣矣孔子於朔則書朔非朔

則書日曆法之謬孔子既知之矣為之闕疑可乎

穀梁曰食者內壤○廩信云齊魯之間謂鑿地出土鼠

作穴出土皆曰壤○鏞案士喪禮云掘四隅外其壤掘

中南其壤

又既夕記云掘坎南其壤

莊子達生篇云煩壤之內雷霆

居之煩壤者糞掃之餘積也

煩者煩鬱也

又齊桓公伐孤竹

山中無水隰朋曰去蟻壤寸有水掘之果得水

戰國策麋

信之說其有徵矣吐出之物如掘出之上故穀梁假借言之也

春三月日有食之莊十八年

穀梁曰不言日不言朔夜食也何以知其夜食也曰天

子朝日諸侯朝朔○鏞案日始出而有虧傷之處則平

朝之時尚未復圓也何為夜食其義非也王者朝日之

禮唯春分之日有之見禮器非所引矣

辛未日有食之鼓用牲于社莊二十五年

公羊曰或曰脅之○鑪案月掩日則日食日食於地障

日則月食月食於正望何休知月之犯日猶以哀姜之淫欲

當日食固矣哉已上災異禮亦凶

附見

左傳小箴○嘉慶戊辰冬余在茶山有講春

秋左傳者講至桓六年而止圃兒錄其語名

之曰左傳小箴今附於此

蔓草猶不可除隱元年○講曰蔓草句謂既蔓雖草亦

不可除也此余舊所聞

不義不暱

杜云不義於君不親於兄非衆所親附

○箴曰非也暱親也近

也親附也大叔肆封豕之慾轉侵城邑此不義也行此不義民不親附民不親附則彌厚彌崩荀子云豐牆堦下亦此義也杜義周章不可從也

苟有明信澗谿沼沚之毛節可薦於鬼神

隱三年

○講曰

所援諸詩皆祭祀燕饗之作與周鄭交質似不相類何也嗚呼此詩之所以為聖經也詠物言事義理寓焉此詩之所以為聖經也詩云素以爲絢兮子夏看得義理曰禮後於質詩云豈不爾思室是遠而孔子看得義理曰我不用力道非遠人詩云如切如磋如琢如磨子貢

看得義理曰講仁廟義由粗入精詩三百篇其一字一句皆有妙義可以治心可以修德以至為天下國家無所不當此其所以為聖經也故春秋之時大夫聘於鄰國必賦詩以見志此古聖人用詩之活法也原其作者之意或以刺淫或以譏時其事實未必皆美然要其本旨皆出於傷世憂俗惻怛忠厚之意故詩者聖賢之微言也故引而用之者不問本事唯微言是取采蘩行葦之詩雖與周鄭交質事不相類不害其昭忠信也嗚呼鄭衛為淫風則所謂三百篇者未必皆聖賢之作而或出於狹斜淫辟之人又何足為聖經哉於是斷章取義

之說又得交亂於其間而古人用詩之法不可復尋矣
凡讀左傳見有引詩當遂求詩旨不空以斷章取義而
一或放過也

州吁阻兵而安忍隱四○講曰安忍謂安於殘忍之行

也

順少長

杜云出則少者前還則在後所謂順也

隱五年

○箴曰不唯是也歸

而飲至以數軍實數軍實卽頒禽也頒禽而順少長此
古之道也祭義云五十不為甸徒頒禽隆諸長者而弟
達乎獲狩亦此義也

衆仲曰天子用八諸侯用六大夫四士二

己見前

京師來告饑公為之請糴於宋衛齊鄭禮也年隱六○講

曰晉饑秦輸之粟秦饑晉閉之糴魯饑告糴于齊莊十八

年臧孫癸丘之盟曰毋遏糴見孟古者諸侯救災恤患

正謂是也左傳凡政法之合理者皆謂之禮

夏城中丘書不時也年隱七○講曰不時者為其奪農時

也孟子陳王道於齊梁不奪農時為第一義古者民皆

業農游食者少故興功不時者春秋譏之後世游食者

多民不緣畝則土木之役反或救荒此足以觀世變也

鄭忽先配而後祖鍼子曰是不為夫婦誣其祖矣杜云鄭忽

先逆婦而後告
廟隱八年

○講曰朱子家禮納采告祠堂親迎告

祠堂迎之日壻婦入脫服燭出厥明婦見于舅姑三日

廟見士昏禮舅姑既沒則三月乃廟見故曾子問曰

三月而廟見稱來婦也

士昏記云婦入三月然後祭行

朱子以三月太

遠故改用三日

以此觀之先配後祖者謂不告廟而

娶也毛姓妄譏朱子不可曉也

曾子問曰女未廟見而死則如之何孔子曰不

遷於廟不祔於皇姑歸塋於女氏之黨示未成婦也

宋以入郟之役忽公不告命

隱九年

○講曰命者軍計也

易曰勿用師自邑告命

泰上六

是也古者軍敗必有告計

故禮曰計車櫜輶

檀弓

同盟之國亦有告計之禮故以

不告命爲修怨也

鄭伯使卒出豸行出犬雞以詛射穎考叔者隱十一年○講

曰古人詛法與盟略同嘗見蘇東坡鳳翔八觀詩其詛

楚文乃秦繆公詛楚於亞駝神者也

有二碑獲於開元寺下者乃詛于巫

咸者其一本則詛于亞駝者

其文曰秦嗣王敢用吉王宣璧使其祝

宗邵蓼布懇告于丕顯大神亞駝以底楚王熊相之多

罪者我先君穆王及楚成王是勦力同心兩邦若壹絆

以婚姻軫以齊盟曰萬葉子孫毋相為不利親印丕顯

大神亞駝而質焉今楚王熊相庸曰無道淫伐湛亂宣

侈競從變渝盟制內之則疏虐不辜刑殺孕婦幽刺親

戚拘圉其叔父寘諸冥室櫝棺之中外之則冒改久闕
不畏皇天上帝及丕顯大神亞駝光烈威神而兼倍十
八世之盟詛率諸侯之兵以臨加我欲剋伐我社稷口
滅我百姓口蔑我皇天上帝及丕顯大神亞駝之郊祠
圭犧牲口取我邊城新隍及於隍及於口不敢曰可今
又悉興其衆張矜怠怒口甲口兵奮士盛師以逼我邊
境將欲覆其口亦應受皇天上帝及丕顯大神亞駝之
幾靈德賜克剋楚師復畧我邊城敢數楚王熊相之倍
盟口詛著諸名章以盟大神之威神其此

鄭伯以虢師伐宋大敗宋師宋不告命故不書

杜云命者國之

大事政令也 ○箴曰非也命者軍計也說見上

師服曰卿置側室大夫有貳宗杜云適子為小宗次子為貳宗又襄公

十四年師曠對晉侯之辭有云卿置側室大夫有貳宗

杜云貳宗宗子之副貳者 桓二年 ○箴曰禮曰別子為祖繼別為宗別

子者諸侯之次子也繼別者別祖之長子也此之謂大

宗也繼別者之次子又自立家傳子及孫謂之小宗貳

宗者小宗也杜注一以繼別為小宗一以繼別為宗子

其義周章可疑也

春正月公狩于郎杜云冬獵曰狩周之春夏之 講曰

春蒐夏苗秋獮冬狩皆以夏時立法者也周禮大司馬

四時之田皆用仲月而書之曰中春中夏以此觀之雖以子月為正政令法度猶用夏時也

鄭為魚麗之陣先編後伍伍承彌縫

杜云司馬法車戰二十五乘為編以

車居前以伍次之承編之隙而彌縫闕漏也五人為伍此蓋魚麗陣法

桓五年

○講曰武備

志魚麗陣記以魚麗陣為純用周制但奇其名非也偏者車師也伍者步卒也兩車之間不無罅隙故以步卒彌縫之也凡陣法步卒為正騎士為奇正兵在前奇兵在後今也車師在前步卒在後所以為新法也非特奇其名而已

奉牲以告曰博碩肥腍謂民力之普存也

桓六年

○講曰

春官太祝掌牲號烝號幣號卽曲禮所記柔毛剛鬣之

類也儀禮所舉牲禮有普淖普薦等號季梁之云普

存卽其註脚也

周人以諱事神名終將諱之○講曰古者卒哭而諱生

者無諱也故周禮不諱昌本醢人不諱發禁不諱

諷誦樂大司周禮曰克昌厥後魯史曰同盟于幽莊公之

此又古人不諱之故也既過四代則不諱檀弓云舍屬

疏則不諱曲禮云大功不諱今人諱法太嚴益蔑學之故也

